




ՓՐԿՉԻ ՀՐԱՇԱՓԱՌԻ ՀԱՐՈՒԹՅԱՆ ՏՈՆԻ ԱՌԹԻՎ
ՀԱՆԴԻՍԱՎՈՐ ՍՈՒՐԲ ՊԱՏԱՐԱԳ ԵՎ ՀԱՅՐԱՊԵՏԱԿԱՆ
ՔԱՐՈՉ ՄԱՅՐ ՏԱՃԱՐՈՒՄ

Ապրիլի 3-ին, կիրակի.—Զատիկ. Յարութիւն Տեառն մերոյ Յիսուսի
Քրիստոսի:

«Քրիստոս յարեալ ի մեռելոց»:

Լուսաբեր հրեշտակների ավետիսով ողողված խոտներամ բազմությունը
փութացել էր Մայր տաճար՝ ներկա գտնվելու Փրկչի հրաշափառ Հարու-
թյան տոնին մատուցվող հանդիսավոր սուրբ պատարագին:

Զմեռային ցրտաշունչ օրերին փոխարինում է պայծառ ու արևոտ, ա-
մենուրեք տիրող գարնանային աշխուժությունը:

Զատկական սուրբ պատարագը մատուցում է Տ. Ասողիկ եպս. Արիս-
տակեսյանը:

Սուրբ պատարագի արարողությունը մեծ ոգևորությամբ կատարում է
Մայր տաճարի երգչախումբը:

Ժամը 11.30-ին Վեհափառ Հայրապետը եկեղեցական թափոքով ա-
ռաջնորդվում է Մայր տաճար:

Սուրբ պատարագին ներկա են Հայաստանի Հանրապետության Գե-
րագույն խորհրդի նախագահ Բաբկեն Արարքցյանը, Նախարարների խոր-
հրդի նախագահ Հրանտ Բազրաւոյանը, արտաքին գործոց նախարար Վա-
հան Փափագյանը, Ամերիկայի, Ֆրանսիայի և այլ երկրների դեսպաններ,
Գերագույն Հոգևոր Խորհրդի անդամներ և ուխտավորաբար Մայր Հայրե-
նիքում գտնվող սփյուռքահայեր:

Պատարագի սրբազան արարողությունը Երևանի հեռուստատեսությամբ,
ուղիղ եթերով, սփռվում է մեր հանրապետության ողջ տարածքում:

«Հայր մեր»-ից առաջ, Սուրբ Զատկի առիթով, Վեհափառ Հայրապետը
կրօնաշունչ և հայրենաբույր քարոզ խոսեց, որը մեծ ոգևորությամբ ըն-
դունվեց հավատացյալների կողմից (տես էջ 5):

Հավարտ սուրբ պատարագի Վեհափառ Հայրապետը եկեղեցական թափորով և հիշյալ հյուրերով շրջապատված առաջնորդվում է Վեհարան՝ ճանապարհին օրհնելով հավատացյալների բազմությունը:

Հանուն Մայր Աթոռի միաբանության, ներկա հյուրերի և ողջ հավատացյալների, Մայր տաճարի լուսարարապետ Տ. Հուսիկ արքեպս. Սանթրոյանը շնորհավորում է Ամենայն Հայոց Հայրապետի Սուրբ Զատիկը, ցանկանում նրան քաջառողջություն, արևշատություն՝ ի փառս Հայ Եկեղեցու պաշտոնության:

Ապա օրհնության խոսք է ասում Վեհափառ Հայրապետը, շնորհավորում համայն հայության Սուրբ Զատիկը և ցանկանում վիրավոր Արցախին խաղաղ, բարգավաճ և երջանիկ օրեր:

Օրվա հանդիսությունը վերջանում է Վեհափառ Հայրապետի «Պահպանիչ»-ով:

